



## **Bybelstudie : Christus se versoenende dood.**

### **Bybelse verwysings**

#### **Vervulling van die Ou Testamentiese geskrifte**

*Hebreërs 10:1-12; Jesaja 53:4-12*

Die Ou Testamentiese gebruik was dat 'n offer gebring moes word om die verhouding tussen God en sy mense te herstel – so is hulle sonde vergeef en is die skuldgevoelens van hul verkeerde dade weggeneem. Ou Testamentiese offers was dan meestal diere-/graan offers wat self nie die sonde kon wegneem nie. Dit was 'n tydelike offer om tot God te nader tot hulle weer 'iets goeds' gehad het.

In die Nuwe Testament leer ons – dat hierdie offers voorlopers was vir die perfekte offer wat Jesus Christus sou bring... God se reddingsplan – was om die volmaakte offer eens en vir altyd te gee sodat Hy met al sy kinders verenig kon word.

#### **Ommekeer van die sonde se domein (sondige wêreld)**

*Galasiërs 3:13; Romeine 6:6-11*

In die Ou Testament leef die konsep van 'om slawe te verlos / terug te koop', baie sterk. Daarom verstaan elke gelowige dat Christus die finale verlossing aan God se kinders gebring het – Hy het ons vrygekoop deur die straf van God se wet op Homself te neem. Omdat Christus die skuld en skuldgevoelens op Homself geneem het, het die sonde nie meer die krag om oor ons as Christene te heers nie.

#### **Verwoesting van Satan se werk en koninkryk**

*Kolossense 5; 1 Johannes 3:8*

Die 'hou-vas' van satan se koninkryk en wêreld was verbreek met Christus se dood en opstanding. Die duiwel se finale einde is aan die kom. Daarom is elke Christen bewus van sy aktiwiteite en invloed, maar is ons vol vertroue van Christus se oorwinning en beskerming deur die krag van die kruis.

#### **Die weg na oorwinning gegee (uitgegelê)**

*1 Johannes 1:7-9; Titus 2:14*

Deur die krag van die duiwel te beperk en die skuld van sondes weg te neem, het Jesus Christus elke Christen vrygemaak. Christene is nie vry van die stryd na morele suiwerheid nie – ons is eerder vry vir die stryd.



Die tyd van verlossing kan soos volg beskryf word:

- a) Ons was gered van die straf vir die sonde deur ons gekruisigde Verlosser.
- b) Ons is gered van die krag van die sonde deur ons lewende Redder.
- c) Ons sal gered word van die teenwoordigheid van sonde deur ons komende Here.

### **Waarborg van 'n ewigheid saam God**

*Romeine 8:31-39; Hebreërs 2:14-15*

Die kruis van Christus is die waarborg dat God se ewige liefde aan elkeen van sy kinders geskenk/gegee is – daar is geen sterker demonstrasie hiervan as die dood van Sy eie Seun nie. Die Dood is steeds 'n vyand – maar dit is 'n oorwonne vyand deur die dood en opstanding van Jesus Christus. Soos die duiwel – sal die dood finaal tot 'n einde kom. Die kruis verseker elke Christen van ons beloofde 'erfenis' – God se ewige koninkryk.

### **'n Nuwe verhouding geïnisieer**

*2 Korintiërs 5:15-19; Romeine 5:8-11*

Die Bybel leer ons dat sonde-skuld die hindernis geword het tussen ons en ons Skepper. Jesus Christus het die verantwoordelikheid vir daardie sonde-skuld opgeneem en het gewilliglik die straf daarvoor op die kruis betaal. Die Bybel noem hierdie *versoening* (die offer) geword wat die oordeel van God wegneem. 'n Nuwe verhouding met God is nou beskikbaar vir die mense wat reageer op hierdie Goeie Nuus.

Vyandigheid is vervang met vriendskap. Die mense wat hulle-self met Christus verenig word as 'skoon' deur God gesien – asof hulle nooit sondig was nie. Die Christen word geheel-en-al as 'n nuwe mens gesien.

### **Kern gedagte(s)**

Die betekenis van die woord versoen word baie mooi verduidelik deur die engelse ekwivalent se ontstaan. Die woord *'atone'* 'het ontstaan deur twee woorde, *"at one"*, saam te smee. Deur te sterf vir die sonde van die wêreld, het Jesus Christus dit moontlik gemaak om die mensdom weer te versoen – of *"at one"* te maak – met God.

Uit hierdie perspektief verstaan ons die Evangelies en kruisgebeure beter. Alhoewel dit swaar en hartseer was in baie opsigte, was dit nie 'n tragedie nie – dit was die gebeure waartoe Christus se hele lewe na opgeloop het.



### **Bybelstudie : Matteus 27:32-56**

Die gedeelte is waarskynlik deur 'n ooggetuie geskryf. Dit is duidelik dat die gebeure die vervulling van die Ou Testamentiese profesie is. Jesus se dood was 'n publieke dood, aanskou deur die soldate (v36), mense wat verby geloop het (v39), die geestelike leiers (v41), die hoofman en verskeie vroue (v54-55). Wanneer mens die gedeelte lees, word dieselfde vraag aan ons gevra: *Was jy daar toe hulle ons Here gekruisig het?*

1. Wat is die hoofpunte van hierdie gedeelte? Wat wil die gedeelte vir jou sê?
2. (v 32, Romeine 16:13) Simon was die vader van Alexander en Rufus (volgens Markus 15:21). Was hulle reeds Christene toe hierdie geskryf was? Bespreek watter impak het hierdie gebeure op Simon gehad het?
3. 'n Universiteits student het eens geworstel met die vraag: *"Is Jesus Christ the ultimate – or is there something bigger than Him I must seek?"* Hierdie gedeelte het sy soeke beantwoord en hom tot bekering laat kom. Volgens jou – wat in hierdie gedeelte sou hom kon gehelp het?
4. Lees Psalm 22:1-18. Bespreek die impak van hierdie Psalm op Matteus 27.
5. (v 40,43,54) "As jy die Seun van God is". Wanneer het Jesus hierdie woorde ook gehoor? Is die saak in Matteus 4:5 soortgelyk aan die kruisgebeure?
6. Lees verder oor die dood van Jesus en reflekteer oor verse 51-53. Lees dan ook Eksodus 26:33 met Hebreërs 10:19-22. Watter vertrouwe gee hierdie gedeelte aan ons? Wat het Christus se kruis aan die dood self gedoen?  
Gaan lees nou 2 Timoteus 1:10 en spandeer tyd in gebed en lofprijsing van God.

